

FAQ

Sve o ispitu

Pogledajte cijeli dokument ili kliknite ovdje na ono poglavlje koje Vas interesuje.

- **Koji je rok uplate ispita, nakon izvršene rezervacije?**
- **Gdje se nalazi Austrijski institut Sarajevo?**
- **U koliko sati počinje ispit?**
- **U koliko sati je potrebno doći na ispit i gdje je potrebno doći?**
- **Šta je potrebno ponijeti na ispit?**
- **Ukoliko polažem samo usmeni dio ispita, koja je satnica?**
- **Ukoliko polažem jedan modul B1 ispita, koja je satnica?**
- **Kako se mogu polagati ispiti – cjelina i dio?**
- **Za koje dijelove se izdaju certifikati?**
- **Na koji način se može dobiti više informacija o certifikatima?**
- **Šta su preliminarni ekspresni rezultati?**
- **Ko ima pravo na internu cijenu pri polaganju ispita?**
- **Kako odabrati internu cijenu ?**

- **Koji je rok uplate ispita, nakon izvršene rezervacije?**

Rok uplate naznačen je u samoj ponudi.

- **Gdje se nalazi Austrijski institut Sarajevo?**

Austrijski institut Sarajevo se nalazi na adresi La Benevolencija 8, 71 000 Sarajevo. Austrijski institut se nalazi u zgradi Privredne komore Kantona Sarajevo, 4. sprat.

- **U koliko sati počinje ispit?**

Vrijeme početka ispita naznačeno je u ponudi ispita.

- **U koliko sati je potrebno doći na ispit i gdje je potrebno doći?**

Vrijeme dolaska: Termin je naznačen u ponudi.

Mjesto dolaska: Ispred zgrade Austrijskog instituta.

- **Šta je potrebno ponijeti na ispit?**

Potrebno je ponijeti hemijsku olovku, koja nije piši – briši. Korištenje obične olovke te korektora nije dozvoljeno. Potrebno je ponijeti ličnu kartu i kopiju lične karte ili pasoš i kopiju pasoša. Dokument mora biti validan. Ako ste strani državljanin obavezno morate ponijeti pasoš i kopiju pasoša.

- **Ukoliko polažem samo usmeni dio ispita, koja je satnica?**

Tačno vrijeme usmenog dijela ispita dobijate najdalje jedan dan pred sam ispit putem SMS poruke. Dolazite najdalje 5 minuta prije termina koji Vam je naznačen u SMS poruci. Dolazite na 4. sprat, La Benevolencija 8, Austrijski institut Sarajevo.

- **Ukoliko polažem jedan modul B1 ispita, koja je satnica?**

Ukoliko ne polažete prvi modul tj. modul Čitanje, već počinjete sa modulom Slušanje ili Pisanje, pratite vrijeme početka ispita naznačeno u ponudi. Potrebno je da dođete najdalje 10 minuta prije početka tog modula na Austrijski Institut Sarajevo.

- **Kako se mogu polagati ispiti – cjelina i dio?**

Ispite A1, A2, B2 i C1 je moguće polagati u cjelosti ili samo pismeni tj. samo usmeni dio ispita. Da bi se pismeni dio ispita mogao smatrati položenim, svi njegovi moduli moraju biti istovremeno položeni (Čitanje, Slušanje i Pisanje).

Kod B1 ispita se svaki modul (Čitanje, Slušanje, Pisanje i Usmeni) može polagati zasebno. Kada se polože svi moduli, dobija se cjelokupni certifikat.

- **Za koje dijelove se izdaju certifikati?**

Ako se položi cijeli ispit A1, A2, B2 i C1 izdaje se cjelokupni certifikat. Ako se položi samo jedan dio ispita tj. pismeni ili usmeni, za taj dio ispita se izdaje certifikat, dok se (na jednom mjestu) ne polože svi dijelovi. Kada se to desi, izdaje se ponovo cjelokupni certifikat.

Za B1 ispit se za svaki modul izdaje certifikat. Kada se polože svi moduli B1 ispita, dobija se cjelokupni certifikat.

- **Na koji način se može dobiti više informacija o certifikatima?**

Sve informacije o certifikatima možete pronaći na našoj stranici.

- **Šta su preliminarni ekspresni rezultati?**

Preliminarni ekspresni rezultati su dodatna usluga koja podrazumijeva da na dan ispita, do kraja samog dana, putem emaila dobijete svoje preliminarnne ekspresne rezultate. No, u slučaju da položite ne postoji mogućnost vanrednog izdavanja certifikata. Ako ste zainteresovani za ovu opciju, možete je odabrati prilikom zakazivanja termina.

- **Ko ima pravo na internu cijenu pri polaganju ispita?**

Interne cijene za polaganje cjelokupnog ispita možete pronaći u cjenovniku. One se odnose na polaznike kurseva Austrijskog instituta. Pravo na internu cijenu ima svaki polaznik kurseva Austrijskog instituta koji je u zadnjih 6 mjeseci odslušao više od 30 časova.

- **Kako odabrati internu cijenu ?**

Ako ste polaznik kurseva Austrijskog instituta ili ste bili polaznik u zadnjih 6 mjeseci, te ste odslušali više od 30 časova, imate pravo na internu cijenu pri rezervaciji jednog od cijelih ispita. Za plaćanje interne cijene, obratite se Uredu za ispite putem emaila: office@oei.ba, navedete svoje ime i prezime, te navedete za koji ste ispit izvršili rezervaciju.